

مُتَابَعَاتُ الْقُرْبَانِ

دائرة مخصوصه

در سعادتده باب عالی جوارانده

محل اداره :

اخطار :

مسلكمزه موافق آثار جديده مع المنونيه
قبول اولنور

درج ايدهنين آثار اعاده اولنور

دينه، فلسفه، علوم، حقوق، ادبياتده و سياستمانده و باظاهركرك سياسي و كرك اجتماعي و مدني احوال و مشوره اسلاميه و نه بحث ايدر و هفته ده بر نشر از انور.

آبونه بدلی

سنه لکی

التي آيلنی

ممالک عثمانیه ایچون	۶۵	۳۵	غروش
روسیه	۶۵	۳۵	روبله
سائر ممالک اجنبیه	۱۷	۹	فرانق

صاحب و مؤسسلری :

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

در سعادتده نسخه سی ۵۰ پاره در

قبرله دن مقوا بورو ایله کوندریلیسه سنوی

۲۰ غروش فضله آلنیر

بخارا

۳۱ مایس ۳۲۶

بخارانك احوالی كوندن كونه وخامت كسب ایتمكده در . تهلكه بیوكدر . وثوقه اعتماد ایتدیكم معلومات آتیہ بی عرض ایله یورم :

افغانستان حكومتی بر آئی اول (طاشكند) والیسنه كوندردیكى بر تخریر آنده حدود مسئله سنده روسیه وبخارا حكومتلرندن هانكیسنك علاقہ دار اولدیغنی ، تعیر آخرله هانكیسنك كندیسیله قومشو بولندیغنی صورمش ، والیده پترسبورغدن استیضاح کیفیتدن سوكره جواب ویره جگنی بیلدرمشدر . غایت بسیط كورونن بو مخبرات اوزرینه روسیه حكومتك بخارا ایچون اوتهدن بری بسلیدیكى الحاق فكریغنی تقویه ایتمش اولدیغنی بعض دلائل و امارات ایله استدلال اولنقده در . بوفكرلك اجراسی ده قوه قریبه یه كلیور . فقط بخارا اهالیسندن امین اولدیغنی جهتله بخارا ایله مواقع مهمه سنی بش بیک مقدارنده بر قوه عسكریه ایله - ۱ اغستوس ۱۹۱۰ - اشغال ایده جكدر . تحدید حدود مسئله سنه كانجه كندیسی طوغریدن طوغری یه حكومت افغانیه ایله مذاكرانه كیریشه جكدر .

بخارا اهالیسنك شمیدین كوستردیكى آثار هیجانہ نظراً بووقایه قارشولاقید بولمیلورلر . زوالی بخارایلر شمیدی یه قدر نیجه اضطرار اباته تحمل ایتدیلر . روسلك قیداسارتنه كیرمه مك ایچون چالیشدیلر . شمیدی ایسه حالك جریانندن جمله سی ده متأسلم . هسی وطن ایچون ، دین ایچون اشكریز ! . اهالینك بو هیجانی بك طبیعیدر . چونكه اساساً بخارا حكومتی ، روسیه حكومتیله تعاطی ایلدیكى معاهده نامه موجبنجه امور داخلیه سنده مستقلمدی . فقط بو استقلال محافظه اولنمیدی ، روسیه حكومتنه امور داخلیه به برحق مداخله ویرلدی ، كه بوندن نه بخارا اهالیسنك ، نه اعیانك ، نه ده علمانك خبری ، رضاسی یوقدی . شمیدی بش میایون اهل اسلامك - چونكه جغرافیا كتابلیرینك قید ایتدیكى ایكى ، ایكى بچق میایون مقداری حقیقه مخالفدر ، - بویله مظلومانه وسسزجه حریتی غائب ایتسی وطعمه احتراض اولسی روامیدر ؟ بو معامله هیچ برحقه ، هیچ بر عهده ده مستند دكدر ! نصل اولورده زوالی بخارایلر کیف ایچون كوز كوره قربان ایدیلیر ! بومك توبم فلان ویا فلان غزته یه مخصوص دكل ، بتون مطبوعات عثمانیه واسلامیه یه عأندر . انسانیت نامه رجا ایدرز ، حقوقزی مدافعه ایتسونلر !

یالكیز مطبوعات عثمانیه دكل ، - اكر حقوق دول ، حقوق بین الملل سوزلری بررقول مجرددن عبارت دكلسه - اوروپا مطبوعاتی ده بومدافعه یه اشتراك ایتایدر .

عبدالله

صراط مستقیم

ان الله لا یغیر ما بقوم حتی یغیروا ما بانفسهم .



ایران

طهران - تبریز اهالیسی روسلك طرز حرکتندن طولایی دول معظمه سفراسی نزدنده شكایتده بولمشلردر . اهالی بی الك زیاده اغضاب ایدن شی روس عسکرینك علمایه ، قادینلره حرمتسزلك كوسترملری در ،



وردانینك اعدای

باش وکیل متوفی بطرس غالی باشانك قاتلی ابراهیم وردانی بوكون ضبطیه حبسخانه سنده صلباً اعدام اولمشلدر . وردانی مأمورین عأده سی حضورنده دار آغاچه چیقاریلوب بوینه ایپ طاقدقدن سوكره حكم اعدام قرائت ایدلش ووردانی كمال سکونتله كلیه شهادت كتیروب « حریت واستقلال آیات آلهیه دندر . » دیدكدن سوكره اوزرینه باصمقده بولندیغنی تحتہ بریای معرفتیه آچیله رق معاق قالمشدر .

اعدامك اجراسنی متعاقب وردانی غسل وتكفین ایدیلهرك قوه كافی عسكریه ایله عائله سی مقبره سنه اعزام وبوراده حاضر بولسان والده سیله همشیره وعمجه سنك یدینه تسلیم قلمشدر . جنازه نك دفنه قدر نقله مأمور عسکر محافظ صقتیله اوراده قالمشدر .

غزته لر عمومیتله بو حادثه دن بك خفیف صورتده بحث ایتمشدر . یكى مطبوعات قانونك تصدیقی جهتله غزته لر اختیار سگوتی موافق بولمشلردر . « قاهره »



شهید سمید ابراهیم وردانی

روضه نامه

عالم اسلامك اعلاى شان و شرفی ومهم برقطعه اسلامیه نك اجانبك ولای غیر مشرزعندن تطهیر وتخلیصی یولنده بذل حیاتی بك مبرور بروظیفه حمیت وملیت تلقی ایدن شهیدای سعداى اسلامه بو هفته ایچنده بیوك برقهرمان دها التحاق ایتمشدر كه بوشهید سعید؛ محترم وردانیدر . تاریخ اسلامه بارلاق بر جهد وغیرت صحیفه سی علاوه ایدن ، معشر اسلامك هیچ بر زمان اسارته قاتلانمیه جغنی ایثار حیات صورتیله منكرلره قارشى اثبات ایتك ایستین ابراهیم وردانی نامی شبه یوق كه امت مرحومه سلیمان چلبی نامی كی تعزیر ونجیل ایده جكدر .

برعصر اول ینه ابراهیم وردانی نك متفس بولندیغنی بر محیطده ، او فرتوت اعصار وقرون اولان مصر قاهره ده فرانسز استیلاسیله نالان افنده اسلام ایچون ؛ فئه غاصبه نك مدبر مصالحی بولنان جنران (قلابر) مواجهته حواله ایلدیكى تیغ شهامتیه وطنك ، ملتیک باعمال ایدیلان حقو فنك حساسی صوران شهید محترم سلیمان افانك فدا كارلنی نصل رشحه پاش تسلیمت اولش ایسه بر عصر صكره كذا بغیر حق وقوع بولان براشغال غاصبانیه ایده جك تدابیری حمایه ایدن